



Gwasanaeth Democraidd
Democratic Service
Swyddfa'r Cyngor
CAERNARFON
Gwynedd
LL55 1SH

Cyfarfod / Meeting

IS-BWYLLGOR TRWYDDEDU CANOLOG
CENTRAL LICENSING SUB-COMMITTEE

Dyddiad ac Amser / Date and Time

DYDD MERCHER, 27 MAWRTH, 2013

WEDNESDAY, 27 MARCH, 2013

Lleoliad / Location:

**SIAMBR ARFON,
SWYDDFEYDD Y CYNGOR,
PENRALLT,
CAERNARFON
am /at 11.00am.**

(Aelodau'r Is-bwyllgor yn unig i gyfarfod ger Modurdy Clynnog am 10.15am)
(Sub-committee members only to meet near Clynnog Garage at 10.15am)

Pwynt Cyswllt / Contact Point

GWYN PARRY WILLIAMS

(01286) 679665

gwynparrywilliams@gwynedd.gov.uk

Dosbarthwyd/Distributed: 19/03/13

IS-BWYLLGOR TRWYDDEDU
LICENSING SUB-COMMITTEE

Aelodaeth/Membership (3)

Y Cynghorwyr / Councillors

Peter Read (Cadeirydd/Chairman)

John Brynmor Hughes

Angela Russell

Gruffydd Williams (wrth gefn/reserve)

Aelod Lleol / Local Member

Cynghorydd/Councillor

Owain Williams

RHAGLEN

1. YMDDIHEURIADAU

Derbyn unrhyw ymddiheuriadau am absenoldeb.

2. DATGAN BUDDIANT PERSONOL

Derbyn unrhyw ddatganiad o fuddiant personol.

3. MATERION BRYD

Nodi unrhyw eitemau sy'n fater bryd ym marn y Cadeirydd fel y gellir eu hystyried.

4. 11.00am CAIS AM DRWYDDED EIDDO – BACH WEN FARM, CLYNNOG FAWR, CAERNARFON

Ystyried y cais uchod

(copi ynghlwm – papur **glas**)

PWYLLGOR:	IS -BWYLLGOR TRWYDDEDU CANOLOG
DYDDIAD:	27 MAWRTH 2013
TEITL:	CAIS AM DRWYDDED EIDDO – BACH WEN FARM, CLYNNOG FAWR, CAERNARFON
PWRPAS:	ER PENDERFYNIAD
AWDUR:	PENNAETH RHEOLEIDDIO

CAIS

Atodir cais am drwydded eiddo ar gyfer Bach Wen Farm, Clynnog Fawr, Caernarfon, LL54 5NH gan Mr John Clifford a Ms Helen Plaumer. Mae'r eiddo mewn ardal wledig oddi fewn i 9 acer o dir preifat ac yn cynnwys 8 o fythynnod gwyliau ac ysgubor wedi ei drosi ar gyfer ymwelwyr.

Mae'r ymgeisydd yn ceisio am drwydded i werthu alcohol o 10 yn y bore hyd at 01:00 y bore, saith diwrnod yr wythnos.

Fe wneir cais hefyd am gerddoriaeth wedi ei recordio, perfformiad dawns a gwerthu lluniaeth hwyr y nos hyd at 01:00 y bore. Gofynnir am yr hawl i ddangos ffilmiau a pherfformio dramâu a cherddoriaeth fyw hyd at 11:00 yr hwyr. Mae cerddoriaeth fyw yn ddarostyngedig i'r eithriadau a gyflwynwyd yn y Ddeddf Cerddoriaeth Fyw 2012. Golyga hyn nad yw cerddoriaeth fyw yn weithgaredd trwyddedig mewn eiddo trwyddedig neu weithle hyd at 11:00 yr hwyr i gynulleidfa o dan 200 o bobl.

Gofynnir am yr hawl i gynnal y gweithgareddau trwyddedig (ac eithrio gwerthu alcohol) tu mewn a thu allan i'r eiddo am yr oriau a nodir.

Gofynnir am yr hawl i agor yr eiddo i'r cyhoedd rhwng 10 y bore a 1:30 y bore wedyn , saith diwrnod yr wythnos.

Mae'r Heddlu wedi trafod y cais gyda'r ymgeisydd cyn i'r cais gael ei gyflwyno; ac fe nodir yn y sylwadau a dderbyniwyd gan yr Heddlu fod y cais yn unol â'r trafodaethau a gafwyd; ac felly nid yw'r Heddlu yn gwrthwynebu'r cais.

YMGYNGHORIADAU

Ymgynghorwyd ar y cais a derbyniwyd ymatebion fel a ganlyn –

YMATEBION	SYLWADAU
Aelod lleol	Dim sylwadau
Cyngor Cymuned	Dim sylwadau
Heddlu	E bost –sylwadau a dim gwrthwynebiad
Preswylwyr cyfagos	5 llythyr, 2 e bost - gwrthwynebu
Canolfan Hanes Uwchgwyrfai, Clynnog Fawr	Llythyr - gwrthwynebu
Capel Ebeneser (MC) Clynnog Fawr	Llythyr - gwrthwynebu
Gwasanaeth Tan	Llythyr – sylwadau, dim gwrthwynebiad
Swyddog Gwarchod y Cyhoedd Cyngor Gwynedd	E bost - sylwadau ar amodau sŵn.

Gweler yn amgaaedig fanylion llawn y sylwadau a dderbyniwyd.

CRYNODEB O'R SYLWADAU A SAIL GWRTHWYNEBIADAU

Preswylwyr a sefydliadau lleol

Gwrthwynebir y cais ar sail y 4 amcan trwyddedu sef -

- Atal Trosedd ac anrhefn
- Diogelwch y Cyhoedd
- Atal niwsans cyhoeddus
- Diogelu Plant rhag niwed

Yn benodol , mewn perthynas â'r amcanion trwyddedu, cyfeirir at y potensial o drosedd ac anrhefn, yng nghyd - destun lefel plismona mewn cymuned fechan cefn gwlad. Fe ddatganir pryderon gan sawl un parthed diogelwch plant a phobl ar y ffordd fynedfa sydd hefyd yn lwybr cyhoeddus i lawr i lan y môr.

Mae pob un sydd wedi llythyru yn erbyn y cais hefyd yn bryderus am y potensial o niwsans swm i drigolion cyfagos yn y gymuned.

Mae llawer iawn o'r rhai sy'n gwrthwynebu yn bryderus nad yw y cais yn gydnaws a natur a diwylliant yr ardal, ond nid yw'r ystyriaethau hyn , er yn ystyriaethau pwysig oddi fewn i gymunedau; yn ystyriaethau sy'n berthnasol i'r amcanion trwyddedu.

ARGYMHELLIAD

Gofynnir i'r Pwyllgor ystyried y cais yn unol â gofynion y Ddeddf Trwyddedu 2003.